

四庫全書

集部

欽定四庫全書

御製詩三集卷七十

古今體九十一首

戊子二

重華宮集廷臣及內廷翰林等三清茶聯句復得

詩二首

外藩華讌紫光迴堂陞重宣翰席開詎是言歡太頻數
入聲適因餘暇共追陪畧存禁體倡生面弗許雕文騁頌
才雪護麥田茶泛露挾牋得句自蠲埃

活水還勝活火烹三清甌滿啜三清

向以三清名茶因製甌甌書詠其上

每於雪夜烹茶用之

爰聯翰苑賡新作所喜朝廷多老成

時預會之大學

士尹繼善劉統勲陳宏謀尚書董邦達左都御史張泰開閩浙總督蘇昌皆年逾七十而未預之尚書陸宗楷

楊廷璋託庸亦皆年逾七十或至八十

雪象欲融金祀澤曦鳥向暖玉樓

晴應怡情處偏縈念渴望滇南報捷旌

三清茶聯句

有序

將疊熙春之帖情知藻績非工即傳獻歲之牋義
取雕幾弗尚蓋聯詠宜徵夫新語而命題適愜乎

古歡爾乃靈辰撰七人八穀之前時逢其初吉仙
液斟六辦五葩之後味得於回甘無煩譜訂蔡襄
鳳餅促馳貢驛却愛鑪編性海龍山間倣歸艎中
冷虛號無雙分泉既流卑陸品南嶺信推第一得
氣先萼采唐花億千手競散濃芬傍薌林而擷秀
十八公紛貽精粒緣徠谷以搜珍于焉補茶董為
三清合擅甌香標格捐食經之五鮓寧誇禁臠膏
腴實惟席佈外藩讌紫光而甫畢嘉此名臚內直

趨重華以同來聽餘法曲含和還資澡雪擣出巨
芝瀉滑更奏單微憶昨歲

辛祭方回綵筆曾吟蘇帖忻乙夜捷書迭奏冰瓷旋進
歐密沐

蒼昊之垂鑒咨堂庶之賡載韻叶由庚八部篇符璿曜
七巡遑云我澤如春與灌頂醍醐比渥共曰臣心
似水和沁脾詩句同真藉以連情無取頌揚溢美
畧存禁體轉因艱澀得奇云爾

御製

三白年前積瑞霽大收瓶缶小瓶罍潤融沆瀣渾元氣

令協昭蘇蘊穀精盈尺兆穰經臘足依旬布澤共

春生氣消南徼欣頻勝

臣傳恆

凍解東風利早耕璐

彩階前滋半濕銀光殿角晃初晴貯筐晶晶虛還

滿

臣尹繼善

入鉞颼颼嘿乍鳴烟裊疎簷知鶴避風翻

靜籟訝濤傾汁猜滴乳凝鎔酪

臣劉統勳

泡類浮圓轉

沸鐺筋佐齊頭燃榾柮簫漆果腹脹彭亨泉經鴻

漸言猶漏

臣陳宏謀

御製茶錄君謨譜寔明湯辨蟹魚眼巨細火調文武候均

平盧全句戒太狂逸

溫嶠條聞各較評擷向雨前纖蕊嫩貢來日下小

團輕頭網鄭重開黃帕

臣阿里家

新焙芬芳襲翠羸薰

染怕教龍腦雜護藏憶付豹囊緝鷓斑隱約凝金

縷

臣劉綸

雀舌玲瓏簇玉瑩珍味雲將水宣

賜啜秘瓷峯色拜

恩擎嘗希凡骨丹同換臣于敏中沁許詩脾俗不櫻昨以得

辛叨接席茲還抽乙忝分棚歲華宴每

重華錫

臣董邦達

御製文翰班仍內翰并畧倣陳家成禁體惟欽虞陞得聯

情何湏險韻拈尖字

蘇東坡雪後書北臺尖字凡三壓

好借甘膏矢正聲湛湛涓寧誇洽醴情情奏自叶

吹笙喜因永晝承三接

臣舒赫德

慶浹同堂勉再賡格

勅長言增石鼎源探層漢勝金莖

赤文稠疊苞符啟

臣裴曰修

碧椀團圞挹注盈選色揀香微

點綴配青儷白互交縈氤氲百和差堪擬

臣蘇昌調

劑羣芳莫與京不著薑鹽區臭味兼收華實見權

衡素襟相友功資益

臣王際華

御製

高節為隣德表貞喉齒香生嚼松實心神春滿泛梅

英拈花總在兜羅手

以松實梅英佛手三種烹茶故謂之三清

摘葉曾窺舍利睛兩腋風過疑子落一甌水淺想

枝橫掌中薌郁檀叅觀

臣彭啟豐

舌本甘回攬解醒姑

射澹邀春曉隊武夷耐結歲寒盟日暄東嶺芽抽

隲

臣錢維城

霧幕陽坡果墜坪一口吸時伸指證隻拳

分處放毫晶仙姿禪悅同龕悟

臣觀保

珠魄琳腴並

器盛堪笑羊羔徒騁侈便矜鳳髓未辭儻潔蠲自

爾安虛室

臣張泰開

御製淡泊由來等大羹鬪品寧常誇顧渚識真誰復別曾

坑惠山鑪昔傳鼻祖

玉井露今擬屬兄

上每於荷花開時取葉上露烹茶有

御製詩紀其事

古洗漉塵斟活活溫壺瀝滓迺丁丁水曹秘閣紛

稱謂

臣倪承寬

待制鴻臚足使令礪末屑宜篩瑣碎擣

膏餅忌杵鏝錚煮需商象銅生暈

臣奉寬

炙用湘筠

錦脫綳脆窮色緘鮮甫纈蒨綾縫裏秀遙呈任教

制度諸家巧

臣周煌

何似調和至味成製出官密陶

琬琰范來

仙藻繪韶韻捧持貴甚鷓鴣杓

臣蔡新

御製含咀佳於琥珀飴漫舉都俞及豐豫非闕雪月與冰

瓊

陳傳良詩我嘗欲擬禁
字體不道雪月永瓊瑰

圖書東壁循常例

倡和南薰

訂雅名別采寒芳餐訝菊小添翠粒剖嗤橙粉醅釀盎

甜欺蜜

臣劉
星煒

餽飮堆盤旨陋鯖濃匪淪蔬春芋紫

薄逾泛粥爨桃蘋水符詎遣僧司契

臣汪
廷興

茗戰無

須酒作兵先圻也應隨霰集徐烘原未過雷驚暫

調雜粉師倪瓚

臣陳
兆崙

妄殿諸泉斥季卿素辦朱纈

邀伴侶銀槍黛蓋解將迎質金山澤誰云瘦

臣邊
繼祖

御

製性合中和了不爭已喜大田麥根護得教餘澤苐芽

烹脩仍寶笈頒佳蹟

每歲預宴諸臣例頒恩賞並以石渠寶笈所藏舊人名畫曾經題詠

者酌賜

授逮瑤箋荷

寵榮功德池邊長讚佛承明庭下幸登瀛攜將

天上分甘及

臣曹文埴

咏到山中小草萌法喻散花虔頂禮

響催擊鉢劇經營吉徵紀數連番捷

臣彭元瑞

輪按排

籤幾疊更字補六經垂典則

詩賅四始冠元正文筵趨步慙雕鵠

臣沈初

學海沿洄羨

掣鯨世沐

恩波依鳳沼時逢鄉味試龍泓還淳即此覘風氣

臣董誥

御製惡旨因之示法程偶爾七言託冲澹亦非一意尚高

清治安均我君臣責勤政乘時共勗誠

題王蒙山水

落落蒼松下卜居絕四隣清風永今日明月是前身有
水隔塵世無橋度客人山樵高致在底辨贗和真

新正恭奉

皇太后幸御園即景得句

撰辰行慶合新正喜奉

安輿出鳳城廣陌韶光柳梢露御園即景面前迎西山
尚積玉峯雪東野欣占穀日晴較比去年猶勝者燈前
望澤正縈情

含芳書屋

曲轉迴廊接精廬此處堪于焉樂灑灑豈必詡眈眈既

靜有餘趣契真可息談正如春醞釀生意萬芳含

新賞室

新賞寧因玩景名魯論訓學語尤精設於草綠花紅會
未是吟風弄月情

挹泉榭

導泉有高下故致聲清泠為渠有曲折故致波澀潏小
榭構其上娛觀還暢聽淙淙作復止汙汙流亦潄動靜
含妙機挹之愜性靈

養素書屋口號

墨壺琴薦洒然清一室春和足暢情
舉首華鐙方在架微慙未是善循名

虛明室

壁觀惟塞牖觀通虛實之間理可窮
絜矩欲明方寸者漫容一物著其中

春可軒

時卉雖遲映階發唐花已是亞
盆開善哉生意閭閻動

可矣春光得得來

含芳書屋

借問芳意阿誰含寧外人心方寸裏而人適來書屋中
是即書屋含芳矣足悟一本貫萬殊詎在媽紅與姹紫
如云六藝有餘潤亦可因之究厥旨

題和闐玉崇椒展帙圖

扁舟捨繫野溪濱石棧攜僮陟碧岫便坐崇椒觀古帙

高標真稱玉

去聲

玉為人

辛祭齋居

民以食為

天祈穀重民事幸園奉

慈豫還宮凜

大祭齋居肅遷坐政簡澄心意庶務可暫屏軍郵即批

示

時正值我軍征緬甸蠻結連破其砦直抵宗賽已近阿瓦城日望捷音之至

丙夜亦夙興

渴望捷音至

再題黃色辟邪玉圭

周尺還贏一尺餘對之疑對鞠躬如辟邪那有邪堪辟
閱古因之緬古初

題吳鎮清溪垂釣圖疊舊作韻

九峯樹色連雲綠三泖波光經雨足

二語櫟括卷中
王紱題句意

亦

有溪齋亦有舟舟者垂綸齋者讀終朝采綠不盈掬漁
隱何妨託浮躅江空天濶望無窮想像落霞齊孤鷺道
人畫法書法同墨痕三分疑入木

辛日

祈穀禮成述事

歲子月寅逢日丑

是日
辛丑

天開地闢會人生民惟五穀

綏豐賴躬率千官

燎祭行辛叶雨暘願占穰

上聲

土爰稼穡兆孳萌

是日納
音五行

屬土

雪霑又喜春雲佈既謝既希意並誠

題文嘉墨蘭即用其韻

細篠五葉十葉幽蘭三葩兩葩石上猶存墨潘幘間洗

盡鉛華

題漢玉夔磬

有玉之質泯玉英入土出土含土精
夔文辟邪縱復橫撫不留手如天成
噓呵發潤沆瀣生堯年寶露貯盈盈
謂之為漢頓置評似曾夔手戛擊鏗
祇今猶作簫韶聲

夜雪

正月十三日

昨日濃陰傍晚晴那無望蜀更心縈
年前幸是霑三白雪落欣聞報五更
曉起一天飛玉毳園中千樹發祥英

名山萬壽近咫尺試往暢觀積素情

新正萬壽山即景

上元燈事始今宵曉趁清閒攬翠嶠松柏參差得逕曲
鳬鷗高下喜冰消未能即泛衝烟舫適可先憑對雪寮
柳意桃情何處是微微蘊釀六條橋

玉瀾堂

冰處無瀾水處瀾亦云流麗亦堅完全機呈出行文法
牖凭玻璃耐可觀

含新亭

近攬遐搜無不宜
烟光雪態景全披
芳菲花木雖遲待
却是含新自此時

無盡意軒

崇構山之凹亦復水之涘
隔年問景初新歲
開韶始生機不終窮
貞下元隨起茲理自今古
而豈在桃李書軒
若有言吾意政如此

對鷗舫

近岸溪亭號對鷗經冬常見水禽留徘徊似共迴雁語
僕僕往來勞矣不

石舫

石舫居然舫雖冰不礙冰本來無蕩漾亦自足空澄雪
灑春方稚風迴波未興翠檠掛篷牖慢擬認漁燈

清可軒

山陰嵌壁居今歲斯初到幽境最可意虛牖含清照積
素靄寒林玲瓏復窈窕叶遐觀既云暢近會亦契妙不

教華燈綴頗愜巖齋調何當此久坐詩書悅吾好而我
非閒人空貽顧名笑

味閒齋

到弗延俄去弗遲題齋兩字顧還疑從來欲識閒中味
即恐耽閒大不宜

搆虛軒

虛室翠微巔搆來已閱年春秋足風月朝暮納雲烟地
迴村墟見節臨景物妍相將祠太乙總是為農田

題任仁發調良圖

巨鼻于思立大宛名駒牽出牧平原
細沙齧齧隨其性
豈在金羈玉轡繁

上元前夕恭侍

皇太后觀燈

桂魄將圓尚未圓
承

歡伊始節宵前
惟欣

位得祿兼得端識

福綿壽益綿
紉縵雲中扶

玉輦煜煌煌
裏看金蓮數

上聲

當行樂箕疇
九祗惜丁丁

漏數

入聲傳

題和闐玉負擔圖

步擔何嘗畏
苦辛野橋溪水石
磷磷求師大似叔
榮往千載猶傳玉
樣人

倪瓚溪亭山色

山是九龍溪
號梁一亭千古占
煙光喬柯阿那嘉
陰處

繾我逢情卒未忘

幘中題者一為晉陵呂敏一為星沙夏瑄並有憶梁溪錫山風景之句

題德生軒

天地德誰表端知表以春試看普生物還戒自開人

莊子

開天者德生開人者賊生

詎在色爭麗欣覘意已新更因懷大寶箴

語緬唐臣

敦素堂四詠

素月

又是新年初度盈徘徊素質照東楹銀花火樹那增麗

古往今來不改明賦愛謝莊能指要

謝莊月賦
素月流天

詩傳李

白善研精

李白詩
水淨素月

碧天碾過無留迹誰得形容通體

清

素冰

小小方塘不是湖平平恰喜素冰鋪一時漫論消兮結
萬物呈來有若無便爾丹青色難著可憐魚鳥望成孤
書堂虛朗疑何似特似臨階置玉壺

素琴

不教司設尚珍華素薦爲琴雅稱去聲嘉古器何須尋綠
綺斷紋也似綴黃麻成音自引松風入和曲惟聞瀑水
斜失學未曾解操縵有絃笑亦類陶家

素鶴

松下戢戢素羽翩禽中誰更許稱仙以無梁稻無籠檻
得任飛棲任食眠瘦矣方堪入畫格逸哉何不可詩傳
溪齋四事成佳契返樸吾猶慊未然

雪晴

地暖雪融不見山寒素積宜看怪底洛陽才子獨稱妙
在林端

題米芾雲山圖

元章墨戲已罕見設色更少如晨星三尺小軸具千里
滄雲猶白山猶青過雨水若下巫峽垂風帆疑去洞庭
石渠久弃擱吟筆展玩興到搜杳冥翰臣題識宛在幀
恰似品古談西清

幀中張照跋語論芾神
格及畫家派別甚詳

不須今昔感

芥蘂試看圖中流者自流停者停

上元日雪

靄靄春雲傍午低祥靈遂佈上元禔日韜赤御如謙讓
風定紫瀾盆配藜高下漫空先柳絮消融落地作苔泥
田功節景須資助滋覺欣兮滋畏兮

上元燈詞八首

今歲上元真上元年前三白沐

天恩耘空蒔朽春工電走雷火戲繁

飄空時玉又占豐地暖落來旋旋融却見西山竄高處

寵從素映萬燈紅

延樓西向瑞雲飛樓上憑觀奉

聖徽襍技畢呈剛入夕滿園齊放百華輝

玉墀扎薩共聯茵又有西來霍罕臣丹鳳樓前分幕坐

調停笑彼費精神

唐書突厥傳元宗御丹鳳樓設宴突厥使與蘇祿使爭長突厥使曰突騎

施國小本是突厥之臣此以蘇祿為突騎施是否已不可考蘇祿使則曰今日此宴本為我設云云夫外夷爭長固事之所有亦在朝廷有以節制之耳然蘇祿在南突厥居漠北所謂風馬牛不相及乃曰本是其臣理所必無史氏記載荒誕類此者多而唐家東西設幕以調停之亦殊可笑矣

東鰈西鶻奉大清何當梗化有南瀛北風吹送萬聲礮

一瞬攻平阿瓦城

火戲中俗有礮打襄城之謗

祇以乘時奉

慈豫原非對節恣嬉娛漏傳甲夜綺檠下却問軍章到
也無

不月何妨雪與宜閨中原可入精思試看萬朵千重燦
祇在星星一點時

春宵三五樂春臺征緬千軍尚未迴此夕西樓傾耳聽

捷音願共爆音來

上元後一日小宴廷臣得詩二首

上元共慶六花翩
例宴還開翼節筵
却以暖成酥雨細
何妨暗度玉蟾圓
誰陳即景于宮語
式詠依蒲在鎬篇
漫擬濃陰孤夜色
光輝待看萬燈燃

幾得如斯春雨早
同堂同志有同欣
濕衣不見和煙裊
澤壤均霑協氣燠
遠嶠依然看積雪
明庭於是卜需雲
允宜歡讌酬佳景
却正心縈捷報聞

題劉松年補衲圖

應真閒理線和鍼慈氏以來補到今我偶觀圖別有會
仲山衮職念常欽

讀龔遂傳

賣劍令買牛賣刀令買犢千古傳名談此義欠三復賣
必有買者刀劍仍齊俗力耕果誰是何致有積蓄設曰
售他方道遠春糧宿以隣國為壑亦非王政穆王生所
教言天子悅謙牧日日不相視忽忙醉相告少卿本通

政明經蘊以夙數語誰弗知奚待彼私淑馬遷已好奇
孟堅繼其躅不如斯者多史策誠難讀

含經堂即事

又落階前幾葉黃溫暾曦影晃牕櫺卑宮豈是吾無間
陋室斯非德未馨橫策欲觀几欣淨舒牋待詠筆還停
一篇無逸猶慙若何況五三及六經

蘊真齋

道筦天倪自有端書齋觸目入澄觀恰如萬物含韶際

真意應從蘊處看

靜虛齋

得靜貴含虛集虛在主靜互發亦交資如鏡光相影於
顏則四勿於曾則三省無為而有為詎曰空寂境

松簧館

落落喬松拔百尋坐來愛聽戛風吟豈同塵世宮商調
自是廣寒法曲音

尊行齋

書齋擇語額尊行董子天人義實精自覺望洋而嘆若
安期光大與高明

燕九日謾題二絕句

西山雪積最高層雪後風寒亦實應苑監煙花教平罷

設今朝真箇是收燈

向例燕九日尚有烟火過此則收燈是日以雪後風大命罷置

亟待征南捷報馳頗無閒緒賞燈嬉星橋火樹停婪節
贏得澄懷坐片時

降旨昨年征緬官軍所過省分各賜十萬金以示

體恤滇省則仍如去歲例所過州縣及永昌府屬全行蠲免正供詩以誌事

緬寇昨弗靖有征不可恕三千發禁旅撰吉從京去供億動正帑母累閭閻遽惟是途阻修有司恐遲悞夫馬出鄉間豈免稍資助咨詢各督撫茲始悉其故豫省經理善原知津貼數八萬六千餘民蠲佐和雇餘或稱減斯餘或稱不預

朕以各省供應兵行正帑奏銷之外必有閭閻帶貼之事因降旨各省俾據實

奏聞茲方世雋覆奏湖南所用民資實數八萬四千餘定長奏湖北省則五萬五千餘方觀承奏直隸省止一

萬五千餘皆較河南減少而良卿奏貴州省俱由鄉保
措辦地方官不預其事無憑稽覈夫地方官不預則蠹
役侵蝕必益累民當經減斯苦官賠不預利役蠹均非
批飭交議并通諭各省誠實心體予勤恤慮絜矩有良方各費十萬足舉多尚
過之於與戒靳固仍令善承宣實惠被黎庶滇南例去
歲全免今年賦奠外先安內國帑正充裕俾民不知兵
如從衽席度佇待大功成佳音傳露布

沈德潛具摺起居並進張擇端清明易簡圖詩以
答之兼賜復資願養引年也

開春達南音食履悉如意指屈闕五年眼望登百歲豈

祇儒林宗實是熙朝瑞起居先去聲名蹟清明圖簡易考

證既精覈失藏詳所自曰此世希珍允宜棄清閤希珍

詎此哉席上卿曾備林下樂期願論文常有寄引養佐

遐齡靈復用頒賜尚當補詠圖

德潛其招詳陳此圖失藏考據而未題句因論

全補詠寄來裝池藝苑傳盛事

詠古銅如意

曲瓊一握數千年曾落天花滿四筵金錯子孫永保用

逮今保者幾家遷

題金廷標倣女史陳書畫冊疊題陳畫韻

倣教金畫存陳畫

尚書錢陳羣進其母陳書畫冊命金廷標倣成此本仍書題陳畫詩於各

幀中又已令人作古人

時廷標亦物故

枯木疎筠相映處不言傳

得趙家神

陳畫蓋倣子昂仲姬合作意

右古木脩篁

鄉味那論不素飧綠松紅葡萄帶霜根摹圖亦可娛朝夕

真蹟還教付子孫

陳書畫以其家傳遺蹟為題句還之

右蘿蔔霜松

果熟垂垂欲重枝依依閒鳥稱

去聲

棲遲貪鷗利喙且弗

下朱顥看如有愛斯

右仙果珍禽

世味何須論苦甘果成花落義堪參誰能熨齒供清嚼
幄裏常留佳種三

右雜果

楊梅桃

枇杷

圖成一日幾摩娑睡趣偏饒醒趣多自是畫家具深意

漫從李迪較如何

書畫譜稱李迪亦工畫犬今石渠寶笈所藏有韓盧圖卷是迪真蹟

右眠犬

蟲譜禽經湊合奇翅黃相映尾紅絲蝶真花幻曾何別
識取其名未命時

右蝴蝶鳳仙牡丹

詭石之旁柏鬱森相交以淡兩無心愛聽天籟從空落
虛竅喬枝解和去聲吟

右怪石古柏

有蟹有魚復有鰕
琳瑯塘游泳浪生花
春溪淡淡都無意
付與詩人賦物華

右春溪水族

有梅相伴不為孤
況復橫溪印夜珠
便是林家足高致
知當未肯嫁其逋

右梅溪

編竹為籃花朵裝
紅紅白白關寒芳
喜他做得十分韻
似覺噴來一段香

右花籃

聞山東河南得雪誌慰

一日同聞雪兩霑更奇同日雨連纖

京師山東河南皆於上元日始雪而

繼之以雨兩省奏報恰同日而至

新波應益大河溜積素還留泰嶽尖

未惜皇都燈月負實欣甫野麥年占繁滋春澤渥遐邇
惕若持盈冀福謙

新正萬壽山清漪園即景二首

燈節方過鬧山園試攬幽綠生湖水面黃重柳梢頭暖

氣飛輕縹春波集野鷗化工能醞釀先作淡煙浮
種樹不覺長閱時看即殊心知嫩條放指待細陰鋪物
物出春意方方入畫圖憑窓未能默便與一操觚

再題惠山園八景

載時堂

春來萬物暢生生便塵民多隅向情偶坐書堂知有愧
載時敢曰象天行

墨妙軒

點綴亭軒學惠山勝他墨妙萃斯間已嫌腕力難摹古
過眼雲煙更少閒

就雲樓

看山常峙看雲流山脚就雲恰有樓動亦非紛靜非寂
義經易簡理相投

澹碧齋

小池水解作波光新水溶溶綠帶黃最合臨隄誇一色
生梯蹴地蘸枯楊

水樂亭

不屬八音具八音泠泠清響靜中斟前巡詩思分明在

疑向若水洞裏尋

惠山寺右首有若水洞

知魚橋

負水纔解尚矜鱗畫水浮潛意趣新莊惠是非嫌語絮
請看者箇早知春

尋詩逕

石門雲徑倚松開屨步無塵有綠苔試問今來緣底事

答言端為覓詩來

涵光洞

幽洞能生虛白光坐斯神謚意無忙更因會得南華旨
止止之中有吉祥

霽清軒

石溪過即陟嶰岵絕頂書軒迴不凡一片霽光鋪曠野
三間清賞俯崇巖庭陰那礙蒼松蓋几馥還欣綠字函
若謂青蓮朶上置別傳兼可悟華嚴

清琴峽

引水出石峽挹之若清泉春來發新波泠泠泌泌然峽
即琴之桐水即琴之弦不藉搜與醅六律於是宣誰歟
為鍾期自譜高山篇

邵窩

翠微山之陽結構頗不多固以樸雅勝名之曰邵窩撫
樹亦籠煙俯水亦生波中宜註義經乾元望春和康節
著妙詮望洋歎若何

雲松巢

不常到故偶來欣轉笑何須構築紛記得種松初拱把
喬柯今亦解藏雲

題漢玉壁


一片白瓊如滿月絳雲紺雲蒸蓬濤地下何年伴仙骨
由來瓌寶弗終沒出土仍為世間物斲絮之言人性拂
不如亡欲理昭揭

黑豹

黑豹居南山聞善隱霧雨而何炳蔚姿忽失林巒處誰
歟即谷獲初生餵以牛乳漸長成馴習乃不異貓犬一
繩引之隨人行搖尾求食指使聽亦弗牢籠資檻寔報
任安書有名言吾因悚然慎刑政

題張宗蒼山水

了了疎疎筆法渾渾淡淡神情遠山望若無色近水落
疑有聲古屋主人何往空庭野鶴獨行拈毫竭爾題句
撫蹟又寄閒評



御製詩三集卷七十

欽定四庫全書

集部

御製詩三集卷七十一

詳校官侍郎_臣謝墉

助教_臣常循覆勘

總校官原任_臣王燕緒

校對官庶吉士_臣張九鐔

謄錄監生_臣胡念祖

欽定四庫全書

御製詩三集卷七十一

古今體一百四十三首

戊子三

詣

暢春園問

皇太后安遂由萬泉莊進宮之作

慶節都過歸

壽萱

壽萱春永堂在暢春園地也御園度節罷奉歸前園歲以為常

聖母宴息之問

安清曉詣前園萬泉退食欣途便有事因之返禁垣

經筵

社祭歲躬親勤政身應先

去聲

衆臣稍喜東郊霑沃雪潤

含香土不生塵

萬泉度地建泉宗

泉宗廟建於萬泉莊

祈澤由來為利農頗有軒

亭供綴景俯臨春水正溶溶

主善堂

義經著元長商書訓德師即境可會心况當春之時克

一惟其協勅萬惟其幾百物方昌昌吾民詎熙熙宴息
於斯佳絜矩多愧辭

觀瀾亭

觀瀾詎在鼓狂波細穀微風靜趣多一晌徘徊得清會
灑然與物樂春和

秀舉樓

泉上層樓架列筵暢觀近遠迴凌雲夙標設入昭明選
亦足相當沈約文

輝淵榭

巨石橫當垠流泉下垂網就平滙為池新波澹滄湧決幽
榭臨其間澄虛含萬象錯落大小珠輝淵喻豈枉捐諸
斯有餘寧待五湖廣

湛虛樓

春水一泓湛若虛山光雲影摠含諸惟無心故無不照
此趣依然足起予

依綠軒

檐背假山峙階臨真水渟一般相映綠兩處各呈形信
可超繪事於焉悅性靈澄懷忘勝負那更去聲較藍青

挹源書屋

於水斯有源於治豈獨無水源可共人治源實在吾一
心苟弗正萬事奚從模克明堯著典惟精舜垂謨仰鑽
雖有志瞠乎其後乎

二月朔日作

蠻結聞捷後彌月遲信音乘勝鼓勇士賊境深入深

軍將

公明瑞自蠻結連拔十六砦乘勝進兵宋所留滇南兵
賽復取道直趨猛密城深入已二千餘里

怯久無關心守險棄而逃木邦反被侵營兵千人進防

天生搗見賊輒退回并錫箔江搗不守以致我師前此
擊敗餘賊潛擾木邦時叅贊大臣珠魯訥悉力禦守撫

臣鄂寧促調懸軍厯異域為之慮弗禁黷武本非願致
弁兵往援

患由侵尋前劉藻辨理莽匪既謬妄失律而揚應琚復
種種乖張欺罔致緬賊敢抗頗行聲罪勢難

中止復以失輕彼發去少羽林去年師行以么麼非大寇
比無事張皇整旅因簡巴

圖魯侍衛官兵百人健銳火器二營兵合三千人謂可
足用乃綠旗兵恒怯難恃而所遣禁軍分撥調度策應

其數尚垂成恐未成弦矢難稽沉徒因惜勞民儲侍詳
覺不敷

酌斟定當揚國威
蕞爾期成禽

木根如意

是器置乾清宮西暖閣曾經

皇祖手握欽思

敦樸敬識長言云爾

輿壤不知歷幾上聲劫
温室已經閱百年
握君之中此巨

擘沕然古色蔚曲拳
雕幾平聲弗用用質樸

指揮萬國歸薰絃
高山景仰予其肩

詠盆卉二種一韻

孤山浮動韻香片是誰名古格自無改新題那識榮分
當守南澤疇料伴西清不脛原堪致伊人繫我情

右香片梅

一種龍鱗幹黃山獨擅名尚攜峯石瘦也傍窖花榮尺
寸凌雲勢冰霜徹骨清向南瞻故嶠能不繾遐情

右黃山松

文徵明江南春圖

春水初柔春樹青遠山濕翠玉為屏溪村阿那扁舟處
我亦曾因意與停

仲春瀛臺即景

經筵撰吉畧需時有暇仙瀛攬結宜樓出輕煙橫翡翠
池生新水澈琉璃雪融未盡山一幘雲布方濃天四垂
不雨無妨雨更好因知知足是誠誰

蘭室

蔣蘭盈缶向春榮細細幽香撲鼻清一卷離騷方在几

瞿然因以惕王明

澄懷堂

書堂竭爾閒憑洒然一片壺冰溶溶新水朗照淡淡輕煙遠凝苔色已侵階城曦光欲下窻稜忽繼滇南軍信澄懷卒未能澄

聽鴻樓

高樓今日有因緣迴雁低飛聽戛然宵雅哲人心所企念劬勞不謂驕宣

虛白室

壘靠步石蹊窈窕入雲縫
是有虛室樸構非盡棟
芸編及斐几皆足稱清供
誰弗緣境移稍坐心空洞
可以忘三幡那更論四用

題春及軒

彭澤賦春及優游寄高託
我來春及軒躊躇塵民瘼
土氣旣冒櫟舉趾將東作
耒耜已云勞籽種猶難錯
繚彼畎畝間慙此琴書樂

太液池泛舟即景雜詠

液池春水恰勝篙淺漾
縹緲紋靜息
濤素艇居然利轉動

層樓傍岸繫龍艘

液池中有瀛海飛龍船層樓飛甍勢甚閎麗蓋明時舊製歷年修葺壯觀

而已以艱於舉動每繫岸不用

第一名泉遠溯津新波暗長
拍船脣書雲迴雁即去雁

字柳今人非昔人

水面樓臺鏡裏圖
當年佔畢記曾吾
庭前拳拳萋萋者

幾換新梧伴舊梧

春菜青隨冬菜生園欣豐澤重農情即看土脉含香潤
指日行將此試耕

煙光澹澹接波光松色青青柳色黃
鳬雁翱翔真得所
笑他也自託君王

過牕還須小步隄犁然水便有高低又看桂棹蘭槳盪
聊為乘閒快覓題

三海何曾五里遙

液池舊有三海之名蓋明時內監所稱相沿未改其實兩橋隔之耳

不過五里若輩 虛誕可見一斑
拯人張大笑前朝心無俗便神仙境韓

衆安期底用招

承光臺殿鬱嵯峨金躡元顛明復磨祗有東廂古松樹

春來依舊發新柯

悅心殿即事

乘興維舟復陟山

殿在永安寺山之麓即元時萬歲山之故址

載臨朶殿翠

微間春陰恰喜瓊華潤

明李瓊島春陰為燕山八景之一亦即此地見春明夢餘錄及

日下舊聞諸書細浪從披太液潺花木且遲二月景詩書聊伴

片時閒悅心漫道於斯悅遙繾軍情那解顏

時正籌征緬軍務日

夜問

郵章

題閱古樓

四壁圖書資閱古，詐云真蹟賞龍蛇。
公權筆正誠知要，足括晉唐數大家。

畝鑑室

山半艱致水，輓轡汲井華。
小溪貯一泓，鑑影呈無遮。
書室纔十笏，近傍溪之涯。
潔然照須眉，可以清吟義。
何當雨裏憑，萬點聽交加。

漪瀾堂

凍解液池冰新俯漪瀾漾新瀾即舊瀾興會殊一向書
堂枕石欄恰似浮輕舫曾無新舊見却解叅合相而我
每拈題詹詹覺未當

遠帆閣

遠帆取號學金山具體而微想像間恰似前巡憑眺處
剪江艇數上聲往和還

鏡清齋口號

樂水由來稱智者，恒因鏡鑑取為名。
唐宗格語心先獲，在彼非關在此情。

焙茶塢戲題

行來小坐正須茶，竹鼎瓷甌本一家。
烹瀹不煩早擎到，嫌他伺候略無差。

罨畫軒

山廊屨步上坐，迴望彌遙太液春。
波見瓊華宿雪消，綠輕苔作色黃重。
去聲柳垂條，繪事東皇巧付之物，自描。

抱素書屋

碧琳琅處結雲巢
畫意詩情入詠敲
必有素然後有繪
讓他書屋占前茅

奧曠室

奧斯難致曠曠亦難為
奧既奧而復曠合撰萃雙妙
古柯矗前庭怪石壘傍嶠
遊目可通靈騁懷亦觀微
坐此玉壺冰無照無不照

得性軒

萬物何非性所成存之為善發為情誰無復以得之分
去聲却是書軒獨擅名

題張宗蒼山水畫幀八首

巖扉俯瀑

岬岬樸屋倚嶙峋知有其中小隱人日日俯看流峽瀑
何曾輕易擬垂紳

雲塢春遲

桃含紅萼柳垂絲更有雲煙映帶之遠隔世塵無箇事

故應留得好春遲

村橋挈榼

溪橋那畔綠陰含
黃栗留聲喚已酣
問景攜僮挈何物
定應斗酒與雙柑

煙溪釣艇

飄然蓑笠坐船唇
不挈漁僮獨理綸
傲志羞登隱逸傳
釣魚多有釣名人

短釣尋詩

支筇野約自徜徉詩趣居然箇裏藏却笑灞橋驢背客
長安名利未全忘

秋林雲海

雲流空宇水溪流萬木蕭蕭疊嶂秋設使此中處
魯公使者那能求

松岡晚眺

茅屋深藏崿嶂中相攜斷岸眺長空倩他谷口白雲鎖
防有人來訪葛洪

梅灣吟泛

野艇浮浮傍渚隈
挾牋香氣撲巖梅
謾須言返聊容與
為是孤山鶴未來

春仲經筵

塗獲文華新落工

宮殿丹雘自雍正庚戌油飾之後至今將及四十年故命所司以次修理

茲文華殿新值落成

講筵輝煥映紅時
惟長善春臨仲典以興

賢歲舉隆絜矩恕忠籌國治勅幾兢業亮

天功

是日進講大學是以君子有絜矩之道也尚書一日二日萬幾親裁御論抒心會

無取都俞稱頌同

詠陶器瓶

緇井易象著恥壘詩詠申黃流盛早麓黜質出河濱火
氣千年泯鍊形萬古淳窯瓷珍汝定大輅此椎輪

雜言

夏日晝長時若長冬日晝短時若短八刻百廿分漏中
豈解遲速異輪轉健行百里以為近倦行十里以為遠
富者衣食不謀足貧者朝夕計猶蹇少覺一歲似兩歲

老覺光陰祇瞥眼智者無事事自理愚者多慮慮猶外
先憂而憂憂乃無後樂而樂樂方善

邇日

邇日生雲隨作風蓬蓬之勢又漸爾幸因臘前及春後
屢有沃澤霑田里是時不雨實可待惟其北美益求美
奢望難酬吾亦知長此安窮未免此况復南軍盼佳音
計日數時勞屈指惟其願多故愁多調御固曾言其理
而我實任天下責斯責斯愁將誰委

題古玉斧珮

徵角宮羽無能判
謂君子珮形乃美玉
取其溫斧取斷
酌劑剛柔中合撰
叶出土千載土華絢
不知羸秦何論
漢刻畫閱歲紋隱現
內府多年陳綈案
竭爾搗詞一為
贊義重德比非物玩
匹夫何罪鄙周諺

雪

二月初八日

侵曉濃雲勢益彌
旋霏片片與絲絲
樓樓瓦冷看雪積
落砌土融作雨滋
萼映宮梅重點綴
絮先苑柳早紛披

已教額慶農田潤恰值軍營佳信馳

是日巡撫鄂寧奏報得將軍公明瑞

札統兵趨猛密一路緬匪潛於前後來犯為我師奮擊驚潰戮戮甚夥沿途獲糧乃至士卒負荷不盡今已行次猛弄計可兩路合兵

延春閣對雪

自外達已牌漫漫雪未止落空仍玉花著地融春水假
山竹木間其狀更難擬低葉綴冰珠喬柯綻瓊蕊咫尺
望若遙崑崙幻如壘高閣捲書帷却有晶簾委對坐了
不寒續紛勢方靡韶華醞釀中奚必在紅紫復因得軍

信摘藻重增喜

賦得玉壺冰

剪水鏤冰趣在壺擬玉清虛無得想像皎潔契神情意
葉衝寒發心花沃潤榮昌齡鮑昭句親切面前呈

靜怡軒摘梅

盆梅開太盛摘使樹頭稀已喜香盈嗅兼資色綻肥

花太

盛則枝頭含苞者色轉薦間
摘去之新開之朵益肥潤

文殊淨文榻天女滿天衣

戶外飄飄者疑從手裏飛

和闐大玉盤

綠玉大盤徑二尺圍盈六尺含精澤蔥嶺之產蔥其色
研光無瑕撫無迹團規寶月三五魄素質弗事雕幾飾
弘璧琬琰誰則識荒唐徒見傳荆國歲貢用徵遠人格
成器仍藉他山石湯之盤銘日新德既宏博厚宥筍席
式如比義思無斁

題做古卷六種

老幼團團伴侶親
琴簪簪斷不離身
畫中亦有天隨子

肖得漁家樂逼真

右董邦達倣文徵明漁樂圖

亦有相親亦有爭
鳥猶若此況人情
不如梅竹無心性
个个交枝朶朶榮

右錢維城倣王穀祥寒梅啁雀

蠕動肖翹態各殊
春華秋實一圖俱
花狸祇在乾魚側
問爾垂涎到口無

右錢維城倣陳淳蔬果雜卉

康衢寓意寫龍眠不識美焉抑刺焉我命倣圖圖頗似
展觀祇覺愧堯天

右金廷標倣李公麟擊壤圖

圖成八駿不鞍勒散放權奇態各軒何必崑崙窮足力
漢文皇帝有名言

右金廷標倣趙孟頫八駿圖

叢篁磊石占高風取意寧云取貌同却想山房幽絕處

倣圖今亦在其中

壬午南巡過獅子林曾手臨內
府所藏倪瓚真蹟一卷留貯

右方琮倣倪瓚獅子林圖

仲春躬祭

社稷壇

蠲吉舉禋宗春

祈總為

去聲

農三牲獻博碩一意致虔恭問樹咄賢對苴

茅罷土封

封建雖古禮後世實不可行即周因以過其歷而東遷以後王如綴旒亦安用此苟延為

哉漢之七國明之靖難甚且操室中之戈矣至鑿土苴茅更循名而無所取義故並識於此

戊年修

戊祭豐楙籲重重

承光殿作

崇臺廣殿御槁頭

祭罷更衣少憩留時卉欲酬新節令老松不較古春秋
仙瀛猶隔林雲表太液初開奩鏡流旬日濶違殷問
寢命輿無暇事遨遊

仲春御園泛舟即事雜詠

頗厭鑿冰放水流旬餘凍解總通舟効勤笑爾曾何謂
耐可新波試泛遊

紫禁平明出御園園中春事漸堪論黃薰隄柳弱於線
綠染池波漲自源

碧溪幾曲足清遯何必怱怱急進篙傍岸忽疑霞脚重
近看知欲綻山桃

鏡光拖處遠山沉戟戟新蒲刺渚潯鷗傍人來去亦可
幾曾說到有無心

鏡煙齋

沼面全開鏡波光半起煙既明還澹蕩乍暗更澄鮮照

徹幻中境籠將虛裏天溪齋相對處難與著言詮

花韻軒

一氣春和萬物知晴欄小立意為遲試言花韻於何妙
只在含苞未放時

樂性齋口號

所樂猶非性所存宣尼性近有微言如於聲色尋娛樂
正是沿流失本源

對雲樓

北岡多長松歲古覆層屋橫枝以丈計蔥蒨盤雲綠英
英雖不作厖厖恒如郁對色既臻淨聆聲復欣謖八伯
頌慢云數老意已足

水木清華之閣

閣憑水木號清華氣味由來本一家陽夏西池真足賞
簡文濠濮豈須誇

新賞室

物色風光淑且閤南枝底藉繞簷巡居然吾亦欣新賞

為去聲塵當春隅向人

師善堂

溪水面前橫堂廉日俯清萬殊叅一本物理即人情有
照原無意常流故不盈會心額師善陳戒緬阿衡

開益軒

蒼說前曾輯日知陳編率可作賢師取資有益惟淳化
過瘁何須慮宋琪

題徐揚做趙伯駒春山圖用舊題伯駒畫韻

岡抱還溪繞南莊更北村法從趙家得源向晉文論神
入境疑立春來鳥解言堯峯雲裏矗也似華山孫

再題清暉閣四景

松雲樓

閣前小景畫橫披咫尺寢堂樸且宜終歲不過登一再
笑予構築屬癡為

露香齋

金掌寧須學漢皇蒸為沆瀣藉陽光春芳秋豔時全未

便有漢漢誰識香

涵德書屋

書齋迴據假山嵐窓置玻璃遠景探不盡其中趣生悟
德誠美矣要當涵

茹古堂

史策經編書案披今人茹古古寧知雖然斯詎資淵博
景仰高山在力為

題盛穎馬嶠煙雨圖

古寺邊傍精舍幽，
璚雲常覺覆簷頭。
弗賓弗主塊然坐，
為墨為儒靜者流。
低葉喬枝一律潤，
煙容雨意兩無休。
馬嶠峰自高，
崑崙當面失之得見不。

山桃花四首

韶光底識御園迴，
苞綻山桃漸欲開。
一種橫斜溪畔意，
江南何必定言梅。

淡白深紅各自都，
女夷幾許費工夫。
較來草色相殊者，
近看已佳遠却無。

管領春芳頭踏馳輕煙一縷淺霞披畫家此處應難寫
會取含胎待放時

尺短由來有寸長休言枝上却無香無香已自能招妬
試看東風漸次狂

啟蹕恭謁

泰陵即事

隔歲不為數入聲春朝展蹕旌

鼎湖縈夢想時節近清明自是行熟路可兼閱始耕問

安遵必

告萱閣啟晨晴

由萬泉莊傳膳視事畢遂登程

萬泉西頂路相連
停蹕傳餐取近便
批荅驛章消片刻
寧因玩景此遷延

別疏以後泉源盛
到處鱗塍新水鋪
雖是插秧時尚早
殷勤惟念上農夫

曾無十里水田過
旱種

去聲

原來北地多也喜
土膏含濕

潤麥針簇簇發新科

過盧溝橋

盧溝來往過多年蟠螭卧波鎮鞏然上接遙源資束刷

永定河自石景山以上兩岸並有岡巒夾峙迨過橋則皆潞流平沙是橋實為上游鎖鑰

下成巨壑

事防宣春回凍解沙猶弱東去河橫運恐穿

永定河下游為運河

橫亘所隔不能直達於海無已開寬下口恣其蕩漾澄清然後歸鳳河由直沽入海所以避運一帶工程最關緊要無奈漾流籌下口一勞永逸正難焉

麥色

甫田播麥廣綠意已婆娑冬雪深滋潤春陽正寧和
壤含曉露漠漠亘長坡彌望勝草色此中餅餌多

望郊臺作

西征迎勞

去聲

築郊臺謂可從茲偃武哉詎料朱波啟邊

釁重勤七萃發英材

去歲自京師發禁旅三千意足以集事而限於地勢遙遠分派不敷

茲當厚集兵力以揚我武

山川悠遠予心塵租賦緩寬民氣培

自進剿緬

匪以來雲南永昌騰越普洱及大兵所經各屬全免正供餘屬亦免十分之五自直隸至貴州軍行所經及四川調撥兵馬所過概予緩徵又加賞直隸河南兩湖貴州錢糧各十萬兩優給民間協助運腳之貲以示體恤

不得已期速集事鴻儀再舉凱旋來

雜言

羽毛雖輕可重鉤金舟固浮川漏水亦沉強弩之末縞
弗穿世間萬事難期全欲求不死在知止非不知止因
難已舉碁忌屢更天道好譙而惡盈兵凶戰危事此語
誠非假事後曰曾料豈足謂智者

題王炳水村春色小卷

霽景分明浮遠空春山無雨亦濛濛東村西塢溪光外

綠柳紅桃煙靄中
放鴨言歸小艇繫
牧牛欲出野橋通
行騰攜去南巡卷
展詠翻牽思不窮

曉行

欲圖駐早啟行
早春郊淦淦天
方曉適百里者
半九十
事豫則立率斯
道輕輿既逸且
復暖僕役勞哉
塵懷抱
更思此勞尚可
當征緬官軍入
炎徼叶勤勗王
事冒鋒
鏑客主之形不
易了欲罷未能
詠出車念茲母
為去聲愁
渺渺

過吉陽

又復村途過吉陽兩行煙柳色黃黃董家策語曾熟讀
任德因思取義長

望大房山作

大房亦號大防山節誼阿誰示大閑自是化工開闢了
即將此理訓人間

迤邐龍嵒大嶺長雲端北望鬱蒼蒼圖經多半傳荒誕
誰見仙人白玉堂

與室幽燕昔所傳橫峯側嶺勢參天金源陵闕餘荒蹟
撫古能無一黯然

聞有石經靜琬傳題一帶接連延堯峯庵蓋興雲氣
便冀為霖潤大田

半壁店行宮晚坐

來往大都逢仲春一年春事一年新花將吐萼紅先重
山不藏林綠漸皴素壁題詩還自檢明窓披帙雅相親
吾原天下為家者野店慙他逆旅人

月

春宇歛片雲素月懸清迥一輪規逮圓大野照含靜庭
樹似有情櫛櫛弄寒影常時亦如斯惜乎無人領邂逅
是今宵拈毫意為永

過秋瀾村行宮不駐因成是什

隔歲心殷展

謁誠秋瀾弗駐特兼程雖因到速申寸念亦為

去聲

過勞

塵衆情煙柳依依原熟路春牟歷歷見新耕行齋永暮

將齋宿一夜

明樓鎮夢縈

過安河即事口號

誠有新波滿澮溝灌田真覺是良謀
頗虞預飾吾經覽
可得平時似此不

停蹕旃廬片刻陪亭臺綴景若為哉
怱怱况復驅車過
即欲題吟待我迴

花朝永慕齋

又值花朝二月天來齋身隔嶺雲邊釋迦此日涅槃日
軒帝當年成鼎年祇聽風松悲颯沓那知時卉入芳妍
空階問有誰相伴依舊哀弦寫夜泉

恭謁

泰陵述懷

流陰真是隙過駒痛值今年痛絕殊

五十八歸天上永

九旬一豈世間無

我今歲當九十一壽

春山古樹增深

感勤政親賢

四字乃
心殿西暖閣朝夕奉以為訓

皇考御書額於養
奉

遠謨治未臻淳民未阜每思

付託益慙吾

安河四詠

有水

山泉遠引號安河本為疏渠灌麥禾及至亭臺已嫌費
那欣入聽瀑聲多

有竹

琅玕幾個粉牆陰石徑因之境致深却似子猷隨處種
愛他勁節與虛心

有堂

雖祇三間亦號堂無名義比有名長畧消片刻肩輿返
留得薰花滿屋香

有書

芸編錯置備繡披一茗過奚藉爾為設使鶩蓬長慶集
逍遙池上豈吾宜

春陰

西山午吐雲須臾空宇積明知土膏潤仍冀霑佳澤蓬蓬
蓬翼二吹片片天衣擘雖云時尚遙已覺愁增劇於春
有夙緣不雨即成惜

題黃公望煙樹溪亭小軸

疊樹不藏山色小亭可納溪煙別撰富春大嶺意無盡
處悠然

秋澗村

村名邂逅號秋澗春水看如秋水寒為是上

陵旋必駐每教西顧感無端隔年日月猶悠久

擬於庚寅年復

來此謁陵

迴望雲山渺簇攢行館清宵聊摘句成灰蠟燭

淚應乾

曉月

過望曉蟾留曉行見舉頭碧天星漸斂綠野露初浮輪
欠分中杪光寒春似秋條於西嶺沒引我望生愁

暖

春律速行人韶光次第堯峰烘紫煙平川煦溫霽暖
氣漸以暄豐裘換細毳頗覺厭輕輿仍此宜安騎羽林
止訶禁野老近鞭轡都稱土膏潤適可耕犁試三時尚
遥遥為去聲爾塵望歲

見耕者

春郊景物最誰佳綠野耕犁叱犢皆後麥早禾都可種
幸哉農父慰予懷

或有歇犁瞻蹕旌豈知我亦為遲行嘗其旨否異田畷

一例相親宵雅情

夕

於半壁
店作

行宮非野店而有野店名半壁倚春山蒼蒼暮色清過
望月出遲東林亦自明須臾上樹杪徘徊照中庭去來
曾幾日犁然來去情歸鳥付不知啾唧爭窠鳴

清明

雲聚喜凌晨雲散惜當午啟蹕與駐蹕歷歷過郊墅郊
墅臨冷節景物供吟覩寒食誰野店佳城誰新土紅深

杏吐埒綠重柳藏塢清明幸不風

農諺有清明風刮土連綿四十五之占試

之或有驗者今竟日不風庶幾春雨可易致耳

藉卜易春雨

晚陰

清明幸不風晚陰非所意居然吐英英
遠山靄蒼翳於澤誰辭多復因春雨薰挑燈且無眠
問夜頻三四雲容時疎密何當成霈勢農夫定歌舞
恰是興犁際行路亦奚妨京國明朝至

旋蹕詣

暢春園問

皇太后安

七日迅回鑾一心殷問

安膝前勝馳牘

途次命御前侍衛緘宮報請
安並進鮮佐膳

几上定

加餐階影祥曦永林光瑞露溥春郊農况好奏對博
慈歡

御園仲春即景

來往曾無過一旬御園景物毫熙春紅桃綠柳天然趣

夕惕朝乾依舊身

常有輕雲釀雨意愛看新水泛煙光對枝好鳥殷勤語
彈萼閒花自在芳

清明纔過未春酣姹紫柔青潤意含試偶溪村漾輕舫
隔花茅舍學江南

已見春郊播麥禾又逢上苑繪春和近臣漫擬斯有喜
心繫滇南慮正多

思永齋詠玉蘭

一株香滿院萬朵靜迎窻白業寧須習紅芳祇合降無
枝不灑灑有色那攃攃思永思誰是生花人姓江

澹然書屋口號

方塘半畝猶然欠澹趣憑來覺有餘此意問誰能會得
畫波幾箇小金魚

恒春圃

一房却稱圃四季可恒春常攬座前景那輸戶外新蜂
來妬窻角魚戲出盆脣比似樊須學吾寧用稼人

擷景室

物意花情景正都適逢也為立斯須付他虛室納恒有
笑我空言莫若無

主善齋

善惟德實行

去聲

主善即常師一本協於是萬殊達在茲

鳥能言有候花解笑無知觀象義經玩乾元體正宜

藻德居

琳池依石砌錦鯉泳紈波生意物自識化機候豈訛有

那居宛在不問樂如何觸興詩言志寧煩斧藻磨

春可軒

試言春可於何可可畫可詩復可遊却是吾心非所樂
性存膏雨利耕疇

對雲樓

樹以古為佳松古佳之最溪樓依巖松盤盤綠雲蓋時
復起白雲虛實交映帶變幻莫可狀涵渟含晻靄是宜
忘言詮靜坐日相對

敦素堂

尚絅惡文著恬心養素先那稱無長

去聲

物可以味遺編

樹色入簾靜波光映座鮮因之悟摘句亦豈在華妍

題深寧堂

逕曲興非淺堂安居得宜有書義堪玩弗盡景供

平聲披

偃仰遑耽逸徘徊緊永思深寧願九寓詎取一身怡

錢穀春林煙雨

浙瀝輕絲黯淡煙春林潤意靄吳天何當移置畿千里

三寸均教霑大田

不寐

有因喜不寐子輿聞樂正有因愁不寐風人賦耿耿

叶

有因思不寐待旦坐元聖有因遊不寐秉燭期盡興不

寐致弗同無非遷於境

叶

於其被遷中亦自分急敬然

以至人論均為失養性我方籌軍務宵衣分

去聲

所應

欹枕舉數事聊以取自鏡

臨米芾烝徒帖偶成

烝徒無聲頗自詡便已高稱如禁旅爾時禁旅正恬熙
宿將曹高久莫覩可勒賀蘭豈易言直是顛翁作顛語
內府藏米芾是帖筆墨勁遒的係真蹟若夫將此十
二萬夫可勒賀蘭實屬狂誕無論爾時禁旅驕惰不
任兵革且以漢高英武祇可將十萬芾也何人即能
將十二萬乎因臨其帖故並識之以示出言不可不
慎也

襍興

亦有芸編斐几陳所慙溫故更知新仁須克己仁豈易
學至希天學始真百慮那無一失處面從必有後言人
和闐玉貢年年致艱致端惟席上珍

御製詩三集卷七十一